

Na osnovu člana 2.12 tačka 5. Poglavlja II Izbornog zakona Bosne i Hercegovine („Službeni glasnik Bosne i Hercegovine“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini – Prečišćeni tekst („Službeni glasnik BiH“, broj: 29/18 i 36/19) i Odluke o objavljivanju javnog oglasa za imenovanje jednog člana Gradske izborne komisije Grada Goražde („Službene novine Grada Goražde, broj: 1/20), Gradsko vijeće Grada Goražde, **r a s p i s u j e**

JAVNI OGLAS
Za imenovanje jednog člana
Gradske izborne komisije Grada Goražde

I.

Raspisuje se javni oglas za imenovanje jednog člana Gradske izborne komisije Grada Goražde. Članove Gradske izborne komisije Grada Goražde imenuje Gradsko vijeće na period od sedam godina od dana dobijanja saglasnosti od Centralne izborne komisije Bosne i Hercegovine na Odluku Gradskog vijeća Grada Goražde o imenovanju člana izborne komisije.

U skladu sa Uputstvom o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini, lica koja se prijave na javni oglas potrebno je da ispunjavaju sljedeće opšte uslove:

1. Član Gradske izborne komisije je lice sa pravom glasa.
2. Član Gradske izborne komisije je lice sa odgovarajućom stručnom spremom i iskustvom u provođenju izbora.
3. U sastav Gradske izborne komisije osigurat će se zastupljenost spolova u skladu sa Zakonom o ravnopravnosti spolova u Bosni i Hercegovini, osim ako se izborna komisija sastoji od tri člana, kada ravnopravna zastupljenost postoji u slučaju kada je jedan od spolova zastupljen s 1/3 od ukupnog broja članova.

II.

Pored opštih uslova član Gradske izborne komisije mora ispunjavati i posebne uslove:

1. Da ima prebivalište u općini/gradu za koju se imenuje izborna komisija,
2. Da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ETCS,
3. Da posjeduje iskustvo u provođenju izbora.

Pod iskustvom u provođenju izbora podrazumjeva se:

- Članstvo u izbornoj komisiji,
- Članstvo u biračkom odboru na izborima obuhvaćenim Izbornim zakonom BiH.

Izuzetno od odredbi iz člana II. stav 1. tačka 1. ovog Oglasa, član izborne komisije može biti lice sa prebivalištem iz druge općine/grada, ukoliko nema kandidata, sa prebivalištem u općini/gradu za koju se imenuje izborna komisija, koji ispunjavaju uslove tražene javnim oglasom.

Izuzetno od odredbi člana II. stav 1. tačka 3. ovog Oglasa, član izborne komisije može biti lice koje ima VII/1 stepen stručne spreme, završen pravni fakultet, odnosno završen pravni fakultet Bolonjskog sistema studiranja s najmanje 180 ETCS, bez izbornog iskustva propisanog stavom (2) ovog člana.

III.

Sastav Gradske izborne komisije je multietničan, tako da odražava zastupljenost konstitutivnih naroda, uključujući i ostale, u izbornoj jedinici za koju se organ nadležan za provođenje izbora osniva, vodeći računa o posljednjem popisu stanovništva provedenom na državnom nivou.

IV.

Za člana Gradske izborne komisije ne može biti imenovano lice:

1. Koje se ne može kandidovati u smislu odredaba članova 1.6, 1.7 i 1.7a Poglavlje I Izbornog zakona Bosne i Hercegovine;
2. Koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora);
3. Koje je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav 4. Izbornog zakona Bosne i Hercegovine;
4. Koje je kandidat za izbore za bilo koji nivo vlasti,
5. Koje obavlja izvršnu funkciju, kako je utvrđeno odredbom člana 1.8. stav (6) Izbornog zakona BiH, odnosno lice koje je na dužnost imenovalo Vijeće ministara BiH, Vlada Federacije BiH, Vlada Republike Srpske, kantonalna vlada i općinsko vijeće, odnosno skupštine općine,
6. Kojem je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje četiri godine, računajući od dana pravosnažnosti odluke.

V.

Član Gradske izborne komisije može biti predsjednik ili sudija redovnog suda, sekretar općinskog vijeća, odnosno skupštine opštine i gradskog vijeća, lica profesionalno zaposlena u općinskim organima uprave i druga lica, ako ispunjavaju uslove određene Zakonom, a nemaju smetnji predviđenih članom IV.

VI.

Član Gradske izborne komisije ne može biti zastupnik, odnosno punomoćnik političkog subjekta koji učestvuje na izborima, niti lice koje je pravosnažnom sudskom presudom osuđeno na kaznu zatvora u trajanju od šest mjeseci ili duže.

VII.

Mandat člana izborne komisije traje sedam godina i teče od dana davanja saglasnosti Centralne izborne komisije BiH na odluku o imenovanju člana Gradske izborne komisije donesene od strane Gradskog vijeća Grada Goražde.

VIII.

Lica koja se prijave na javni oglas potrebno je da prilože sljedeća dokumenta (original ili ovjerene kopije):

1. Prijava na javni oglas potpisana od strane kandidata,
2. Kraća biografija kandidata,
3. Dokaz o stručnoj spremi. (Ovjerena fotokopija diplome o završenom fakultetu, odnosno VII/1 stepenu stručne spremlje ili završen fakultet Bolonjskog sistema studiranja sa najmanje 180

ETCS. Ukoliko je diploma stečena nakon 6.aprila 1992. godine, u inostranstvu, dostaviti dokaz o izvršenoj nostrifikaciji diplome, osim u slučajevima kada postoje potpisani sporazumi između BiH i drugih zemalja o uzajamnom priznavanju diploma).

4. Obrazac PBA-3 o prebivalištu, ne starije od tri mjeseca od dana izdavanja od strane nadležnog organa,
5. Dokaz o izbornom iskustvu u smislu člana 2. stav 2. ovog Oglasa, osim u slučaju koji je naveden u članu 2. stav 4. Oglasa. Dokaz o izbornom iskustvu mora sadržavati podatke o nazivu izborne komisije i mandatnom periodu, odnosno vrsti i godini izbora i nazivu biračkog mjesta u kojem je kandidat bio član biračkog odbora, te podatak da je kandidat bio angažovan u radu biračkog odbora i obavljao ovu dužnost.
6. Izjava o nacionalnom izjašnjenju kandidata sa posljednjeg popisa stanovništva u Bosni i Hercegovini, svojeručno potpisana i ovjerena kod nadležnog organa, pod punom materijalnom i krivičnom odgovornošću.
7. Svojeručno potpisana i od nadležnih organa ovjerena izjava kandidata o nepostojanju smetnji iz člana 2.3. Izbornog zakona BiH, koja je sastavni dio Uputstva.

Sa kandidatima koji ispunjavaju uslove Javnog konkursa, Komisija će obaviti intervju, prema predhodno utvrđenim kriterijima, nakon čega vrši bodovanje i sačinjava rang listu sa redoslijedom kandidata prema uspjehu (ukupnom broju bodova) postignutom na intervjuu.

Gradsko vijeće Grada Goražde će izvršiti izbor i imenovanje kandidata cijeneći položaj kandidata na listi i svoju Odluku dostaviti na saglasnost Centralnoj izbornoj komisiji BiH.

IX.

Pismene prijave se podnose Konkursnoj komisiji za provođenje postupka po javnom oglasu za imenovanje jednog člana Gradske izborne komisije Grada Goražde (u daljem tekstu: konkursna komisija za izbor jednog člana Gradske izborne komisije Grada Goražde), na adresu ul.M. Tita br.2, Goražde. Prijave sa potrebnim dokumentima se podnose u koverti sa naznakom „PRIJAVA NA JAVNI OGLAS – NE OTVARATI“.

Prijave na Javni oglas podnose se u roku od 8 (osam) dana od dana objavljivanja Javnog oglasa u dnevnim novinama „Dnevni avaz“.

Nepotpune i neblagovremene prijave neće se uzeti u razmatranje.

Proceduru izbora kandidata propisanu Uputstvom o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini provešće Konkursna komisija za izbor jednog člana Gradske izborne komisije Grada Goražde, koju je imenovalo Gradsko vijeće Grada Goražde.

Napomena:

Javni oglas će biti objavljen u dnevnom listu: „Dnevni avaz“, web stranici Grada Goražde i RTV BPK Goražde.

Broj: 01-02-1-792

Goražde, 20.02.2020.godine

